

Headlines

- 1 प्रधानमंत्री नरेंद्र मोदी होंरें श्रीनगर च 10मां अंतरराष्ट्री योग दिवस मनाने च मुख्य दी अगुवाई कीती। उनें आखेआ जे पूरी दुनिया अज्ज योग गी वैश्विक भलाई लेई इक ताकतवर जरिये दे रूप च दिक्खा करदी ऐ।
- 2 देश दुनिया दे बक्ख-बक्ख हिस्सें आला लेखा जम्मू खित्ते च बी 10मां अंतरराष्ट्री योग दिवस जोशो-खरोश कन्नै मनाया गेआ।
- 3 लेफ्टिनेंट गवर्नर मनोज सिन्हा होंरें आखेआ ऐ जे योग स्टाडे शारीरिक, मानसिक ते भावनात्मक पैहलुएं गी सशक्त बनाने च बड़ी महत्वपूर्ण भूमिका निभांदा ऐ।
- 4 जम्मू-कश्मीर च असैम्बली चुनां लेई तैयारियां शुरू-चुनां आयोग नै मतदाता सूचिएं दी विशेष नजरसानी दा हुक्म जारी कीता ऐ।

<><><><><><>

PM-Yoga-Day

पूरी दुनिया च अज्ज 10मां अंतरराष्ट्री योग दिवस मनाया जा रदा ऐ। मुख्य समारोह श्रीनगर दे SKICC च आयोजित करोआया गेआ। प्रधानमंत्री नरेंद्र मोदी होंरें श्रीनगर थमां योग दिवस आले कार्यक्रमें गी मनाने च मुख्य दी अगुवाई कीती। लेफ्टिनेंट गवर्नर मनोज सिन्हा, केंद्री मंत्री प्रताप राव, गणपत राव जाधव ते होंरें केई हस्तिएं हिस्सा लैता। इस मौके श्री मोदी होंरें योग दे बक्ख-बक्ख आसन कीते ते किट्ट अगो भाषण बी दित्ता। उनें योग दे महत्व पर लो पाई ते आखेआ जे दुनिया दा ऐसा कोई नेता नेई ऐ जिन्ने योग बारै उन्दे कन्नै गल्लबात नेई कीती होऐ। दुनिया भरै च योग दे बधदे महत्व पर लो पांदे होई प्रधानमंत्री होंरें आखेआ जे 2015 च उनें तुर्कमेनिस्तान दे अपने दौरे दौरान उत्थे योग केंद्र दा उद्घाटन कीता हा। उनें गलाया जे अज्ज उस मुख्य च योग बड़ा मता लोकप्रिय होई गेदा ऐ। उनें दस्सेया जे साउदी अरब नै योग गी अपनी शिक्षा प्रणाली च शामिल कीता ऐ ते मंगोलियाई योग फाउंडेशन आस्सेआ केई स्कूल चलाए जा करदे न। यूरोप च योग दी लोकप्रियता बारै उनें आखेआ जे डेढ़ करोड़ जर्मन बसनीक अज्ज योग प्रेमी बनी गेदे न। श्री मोदी होंरें गलाया जे योग अज्ज शोध दा विशेष बनी गेदा ऐ ते केई शोध पत्तर बी एहदे पर प्रकाशित कीते जाई चुके दे न। पिच्छले 10एं बरें च योग दे विस्तार बारै श्री मोदी होंरें आखेआ जे लोकें अंदर योग पर्यटन बारै दिलचस्पी बधै करदी ऐ ते लोक योग सिक्खने लेई भारत औना चाहंदे न। उनें होटलें, रिसार्टें ते ब्हाई अड्डें पर बी योग सुविधाएं दा जिक्र कीता ते आखेआ जे एहदे कन्नै रोजगार दे केई नमें मौके पैदा होए न। प्रधानमंत्री मोदी होंरें सब्बनें ग्राम पंचैतें गी चिट्ठी लिखिये उनेंगी गुजारिश कीती ऐ ते जे ओह भलेयां हेठली सतह पर योग गी बढ़ावा देन ते ग्रामीण इलाकें च योग गी मता लोकप्रिय बनान।

<><><><><><>

IYD-Jammu

अज्ज विश्व योग संस्था आस्सेआ जम्मू दे बागे बाहू च 10में अंतरराष्ट्रीय योग दिवस उप्पर भव्य कार्यक्रम दा आयोजन कीता जेदे च ज्हारें दी गिनतरी च योग प्रेमियें हिस्सा लैता ते बक्ख-बक्ख योग अभ्यास कीते। इस कार्यक्रम च होंरें दे अलावा साबका उपमुख्यमंत्री कविंद्र गुप्ता होंरें बी हिस्सा लैता। स्टाडे जिला संवाददाता हुंदे कन्नै गल्ल करदे होई कविंद्र गुप्ता होंरें गलाया।

<><><><><><>

IYD-Tourism

जम्मू तवी गोल्फ कोर्स च बी अज्ज 10में अंतरराष्ट्री योग दिवस दे मौके पर आयोजित कार्यक्रम च ज्हारें दी गिनतरी च प्रतिभागिएं हिस्सा लैता। इस कार्यक्रम दा आयोजन जम्मू दे सैलसफा विभाग आस्सेआ कीता गेदा हा। एहदे बारै गल्ल करदे होई सैलसफा विभाग दियां जायंट डरैक्टर सुनैना मेहत्ता होंरें गलाया।

<><><><><><>

## IYD-AIIMS

अज्ज सांवा जिले च एम्स विजयपुर च 10में अंतरराष्ट्रीय योग दिवस दे मौके पर आयोजित कार्यक्रम च सांसद जुगल किशोर शर्मा होर मुख्ब परोहने हे। एम्स जम्मू दे डरैक्टर शक्ति कुमार गुप्ता, साबका मंत्री चंद्र प्रकाश गंगा ते होर दुए वरिष्ठ अधिकारी डॉक्टर ते एम्स दे शैक्षणिक अमले ते विद्यार्थियों बधी-चढिये हिस्सा लैता। स्हाडे जिला संवाददाता कन्नै गल्ल करदे होई जुगल किशोर शर्मा ते शक्ति कुमार गुप्ता होरें गलाया।

<><><><><><>

## IYD-Kishtwar

किश्तवाड़ जिले च अज्ज आयोजित योग कार्यक्रम च 4 ज्हार शा मते लोकें शिरकत कीती ते बक्ख-बक्ख योग अभ्यास कीते। इस कार्यक्रम च किश्तवाड़ दे डिप्टी कमिशनर सने एसपी किश्तवाड़ ते होर दुए विभाग दे वरिष्ठ अधिकारी मौजूद हे। स्हाडे जिला संवाददाता कन्नै गल्ल करदे होई आयुष विभाग दे डॉ. विक्रम सिंह जम्वाल होरें गलाया।

<><><><><><>

## IYD-Kathua

जिला प्रशासन कठुआ नै अज्ज 10में अंतरराष्ट्रीय योग दिवस दे मौके उप्पर अपने ते समाज लेई योग विशे उप्पर इक कार्यक्रम दा आयोजन कीता। स्पोर्ट्स स्टेडियम कठुआ च आयोजित इस योग शिविर च डिप्टी कमिशनर डॉ. राकेश मिन्हास, डीडीसी प्रधान कर्नल महान सिंह, सेहत ते मेडिकल शिक्षा मैहकमे दे अतिरिक्त सचिव चांद किशोर शर्मा ते होर केई अधिकारी मौजूद हे। इस मौके उप्पर बोलदे होई डॉ. राकेश मिन्हास होरें गलाया।

<><><><><><>

## LG

अज्ज श्रीनगर च प्रधानमंत्री नरेंद्र मोदी होरें ज्हारें योग प्रेमियें कन्नै योग कीता। एहदे बारै अपनी प्रतिक्रिया जाहिर करदे होई उपराज्यपाल मनोज सिन्हा होरें गलाया जे ओहू प्रधानमंत्री नरेंद्र मोदी हुंदा इस गल्ला लेई आभार प्रगट करदे न जे उनें जम्मू-कश्मीर गी अंतरराष्ट्रीय योग दिवस समारोह दी अगुवाई करने दा मौका दित्ता। इस एतिहासिक समारोह करी जम्मू-कश्मीर कुल संसारी नक्शे उप्पर आई गेआ ऐ। एल.जी होरें गलाया जे योग स्हाड़ी शारीरिक मानसिक ते भावनात्मक पहलुएं गी सशक्त बनांदा ऐ। उनें आखेआ जे प्रधानमंत्री होरें योग गी विश्व तगर लेइये गए न ते अज्ज स्हाड़ी सभ्यता कन्नै जुडे दे इस वेशमीमती तोहफे गी दुनिया दा हर इक मुख्ब अपना रदा ऐ। योग नरोई जीन जीने दा प्राथमिक आधार ऐ। एहू स्हाडे शरीर ते मन गी एकाग्र करदा ऐ।

<><><><><><>

## Shah-IYD

केंद्रीय गृहमंत्री अमित शाह होरें गलाया ऐ जे भारत नै पूरी मानव जाति गी बड़ा किश दित्ता ऐ, पर योग भारत आस्सेआ विश्व गी दित्ते जाने आहला सब्बनें थमां बड्डा तोहफा ऐ। अज्ज 10में अंतरराष्ट्रीय योग दिवस दे मौके उप्पर अहमदाबाद दे इक पार्क च योग अभ्यास करने मगरा लोकें दे कट्टु गी संबोधित करदे होई गृह मंत्री होरें इयां आखेआ। शाह होरें गलाया जे योग दिवस दी शुरूआत प्रधानमंत्री नरेंद्र मोदी होरें 2014 बरे च संयुक्त राष्ट्र महासभा च 21 जून गी योग दिवस दे रूपा च मनाने दा प्रस्ताव देने मगरा होई ही। मोदी हुंदे आस्सेआ पेश कीते दे इस प्रस्ताव गी 170 मुख्बें स्वीकार करी लैता हा।

<><><><><><>

## Aghar-Jitto

अज्ज त्रऊं रोजा अघार जित्तो मेले दी शुरूआत सांस्कृतिक ते धार्मिक श्रद्धा कन्नै होई। रियासी दे जिला विकास कमिशनर विशेष महाजन होरें मेले दा उद्घाटन कीता। स्हाडे संवाददाता कन्नै गल्ल करदे होई डीसी विशेष महाजन होरें आखेआ।

<><><><><><>